

唐寫文選集注殘本

行之也

治國以礼民無怨聲

李善曰孝

經援神契曰得万國之歡心人說喜無怨聲鈔曰怨恨也言勞而無怨恨也

刑罰不濫沒有餘泣

李善曰蜀志曰廖立

為長水校尉誹謗先帝於是廢立為民從汶山郡間諸葛亮平垂泣曰吾終為左衽矣左氏傳聲子曰善為國者賞不僭而刑不濫鈔曰蜀志曰廖立字公闕

諸葛亮表立曰長水校尉廖立坐自責
大戚否羣士以言國家不任賢達而任
俗史又萬人率者皆小人也誹謗先帝
疵毀衆臣又有言國家兵衆簡實部位
分明者立舉頭視屋憤咆作色曰何足言
凡如此者不可勝數羊之亂群猶能為害
況立託在大位中人以下不識虛真耳於
是廢立為民徙汶山郡立躬率妻子耕
殖自守間諸葛亮平垂泣曰吾終為左社
矣張銑曰高死國人皆泣也從死也

雖古之遺愛何以加茲

李善曰左

氏傳曰子產卒仲尼聞之出涕曰古

之遺愛鈔曰杜預左氏傳注曰子產見

愛有古人

遺風耶

及其臨終顧託受遺

作相劉后授之無疑心武侯

受之無懼色

李善曰蜀志曰先主
於永安病篤召亮成

都屬以後事謂亮曰君嗣子可輔之
如其不才君可自取亮涕泣曰臣敢竭
股肱之力繼之以死人物後主汝與丞相
從事之如父尚書曰成王將崩作顧命
班固漢書述曰博陸堂受遺武皇鈔
曰顧命謂臨終之命也劉后謂備也武
侯即諸葛孔明也蜀志云建興元年封
亮為武鄉侯開府治事晉決相息亮及
李周翰曰先主臨終顧託後事於亮
受遺詔輔佐後主先主授之不疑於亮

受之人無懼色此君臣不相疑阻也金
案鈔五家本託為命又鉢鈔陸善經本受
為繼體納之無貳情百姓信

之無異辭君臣之際良可詠

矣

李善曰春秋元命苞曰繼體守文
君不害聖人之王鈔曰倚或為納

繼體謂劉禪也言禪倚託於亮事之
如父無有二情謂無懷疑之心也可詠

矣言凡處君臣之際者備與亮可為歌
詠之也音決倚於綺反呂向曰先主勅
後主云汝與丞相從事如事父而後主
納亮之義無猜貳之情也繼體謂後主
也言此君臣之間實可
贊詠也際間良實也
公瑾卓々

逸志不群
樞角料主則素契

於伯符

李善曰吳志曰孫權策字
伯符江表傳策令曰周公瑾

與孫有：搃角之好骨肉之分毛詩曰
搃角非弓鈔曰吳志曰周瑜字公瑾廬
江舒人也陳壽評曰周瑜魯肅建獨斷
之明出衆之表實奇士也搃角者如今
小兒鵠角為則謂少小相知之意也吳
志曰榮堅長子漢為討逆將軍孫權稱
尊芳追尊長沙桓王建安三年授瑜建
威中郎將即興兵二子人騎五十匹又
給鼓吹為治館舍江表傳載孫策今日
周公瑾英俊異才與孫有搃角之好骨

肉之分如前在丹陽發衆及船糧以濟
大事論德酬以此未足以報也音決瑾
音親料力彫久又力吊反張銑曰卓高
官也劉良曰樞角謂童子之歸也料度也
孫策與瑜同年少小樞角之時常友善
堂拜母相度以義心合於策也素猶心也
集合也

晚節曜奇則參分於赤

壁土

李善曰吳志曰曹公入荊州權
遂遣瑜與備并力遂曹公入過於赤

赤壁初一交戰公軍敗退鈔曰三分赤壁者謂當破已後各居一方為吳蜀魏也
英志云建安十三年九月曹公入荊州
劉琮舉眾降曹公得其水軍船艫數十
萬將士聞之皆恐懼遂見群下問以計
策議者咸勸迎之瑜曰不然操雖託名
漢相其實漢賊也將軍以神武雄才兼
仗父兄之烈割據江東地方數千里兵
精足用英豪樂業尚當橫行天下為漢
家除殘去穢况操自送而可迎之耶將

軍擒操宜在今日瑜請得精兵三萬進
往復口保為將軍破之權遂遣瑜及程
普等與備并力逐曹公於赤壁時公軍
已有病疾初一交戰公軍被退引次江
北瑜等在南岸瑜部將黃蓋發火追燒
岸上營落人馬燒燬死者甚眾公遂敗
退事已見第廿一此不妄說也李周翰
曰晚節謂壯年也唯奇謂用兵奇策也
恭分謂恭謀分職軍事也赤壁江口山
名也謂瑜將兵破曹公軍於赤壁也

憤其齡促志未可量

李善曰吳志曰瑜還

江陵於道疾乎時年卅六音決量良

志深遠未可測量也

子布佐榮致延譽之

美

李善曰國語曰使張老延君譽于四方

也漢末大亂徐方士人多避難楊士昭南渡江孫榮創業命昭為長史撫軍中郎將

非堂拜母如此肩之舊文武之事一以
以委昭：母得北方士大夫書疏專歸
美於昭：欲默而不宣則懼有私宣之
則恐非宜進退不安策聞之歡笑曰昔
管子相齊一則仲父二則仲父而桓公為
霸者宗子布賢我能用之其功名獨不在
我乎劉良曰佐策
謂輔佐立計策也
輟尖止衣有翼

戴之功

李善曰美志曰策莞以事授
於權：尖未及息昭謂權曰孝

康山寧失時耶乃扶權上馬使出巡軍
鈔曰吳志云榮臨終以弟權託昭權悲
感未視事昭謂權曰夫為人後者貴能
負荷先軌堯曰堂構以成勲業也方今
天下斯沸群盜滿道孝廉何得覆伏哀
戚肆匹夫之情哉乃自扶權上馬陳兵
而出然後衆心知有所歸音次輟知方反
呂向曰翼戴
謂輔佐也

神情所涉豈徒蹇

愕而已哉

李善曰周易曰王臣蹇

；匪躬之故史記趙良

謂商君曰千人之諾，不若一士之鄂

；東觀漢記戴馮謝上曰臣無蹇鄂之

節迥有狂數之言字書曰鄂直言鈔曰

王逸注楚詞云蹇，思忠信行艱也晉

決蹇居輦反諤五各反或為

愕者非張銑曰蹇正愕直也

然而杜

門不用登壇受譏

李善曰吳志云權以孫

泉偁藩遣張弥至遼東拜衆為燕王昭
諫權不聽昭忿言不用備疾不朝權恨
之士上寔其門昭又於內以王封之江
表傳曰權既即尊位請會百官歸功周
瑜昭舉笏欲褒贊功德未及言權曰如
張公計今已乞食矣昭大慙伏地流汗
然登壇即位之時也鈔曰吳志云權以
公孫淵稱藩遣張弥許晏至遼東拜淵
為燕王昭諫曰淵背魏懼討遂來求援
非本志也若淵政尚欲自明於魏而使

不近不取笑於天下乎權與相反覆
昭意弥切權不能堪業刀而怒曰吳國
士人人宮則拜孤出宮則拜君孫之敬
君上為至矣而穀於衆中折孤之常恩
失計昭熟視權曰臣雖知言不見用而
欲竭愚忠者誠以太后臨崩呼老臣於
床下遺詔顧命之言故耳因涕泣橫流
權擲刀置地與昭對泣然卒遣弥晏往
昭忿言之不用稱疾不朝權恨之土塞
其門昭入於內以土封之潤果殺弥晏